

SUPERVISOR'S USE ONLY

S

93009



Tuhia he 'X' i te pouaka nei (☒) ki te KORE koe e tuhi ana i tēnei pukapuka

☐

+



Mana Tohu Mātauranga o Aotearoa
New Zealand Qualifications Authority

Te Hiranga 2025 Te Reo Rangatira

Te wā: E toru hāora
Te Tāpeke: 24

Tirohia mēnā e rite ana te Tau Ākonga ā-Motu (NSN) kei runga i tō puka whakauru ki te tau o runga ake o tēnei whārangi.

E RUA ngā wāhanga o tēnei whakamātautau. E RUA ngā tūmahi mō ia wāhanga:

TE WĀHANGA TUATAHI: Pānui – Tuhituhi (2 hāora)

TE WĀHANGA TUARUA: Whakarongo – Kōrero (1 hāora)

Whakautua ngā pātai KATOA ki ngā wāhi wātea kua whakaritea. Me reo Māori ngā whakautu katoa.

Mēnā ka hiahia whārangi atu anō hei tuhituhi i ō whakautu, whakamahia ngā whārangi wātea kei muri o tēnei pukapuka.

Tirohia mēnā e tika ana te raupapatanga o ngā whārangi 2–20, kei roto i tēnei puka, ka mutu, kāore tētahi o aua whārangi i te takoto kau.

Kaua e tuhi i te wāhi o te rauponga whakarare (⸮). Ka tapahia tēnei wāhi i te wā ka mākahia tēnei pukapuka.

ME HOATU TE PUKAPUKA NEI KI TE KAIWHAKAHAERE Ā TE MUTUNGA O TE WHAKAMĀTAUTAU.

HE KUPU WHAKATAKI

Tēnā koe kua uru mai nei ki te whakamātautau a Te Hiranga Te Reo Rangatira mō tēnei tau 2025. He whakamātautau i te tauira e ako ana i te reo Māori kei tēnei taumata, ā, e mārama ana ki te whakamahi pūkenga reo torohū, pūkenga reo whakaputa hoki o ngā wāhanga katoa o te whakamātautau nei.

Me kaha hoki te ākonga ki te:

- Tātari, ki te arohaehae rānei i ngā kaupapa
- Whakaputa whakaaro motuhake e mārama kehokeho ana ngā whakaaro,
- Whakatakoto taunakitanga
- Kōtuitui i ngā mōhiotanga.

Na reira:

- āta pānuihia ngā kōrero tohutohu i mua i te mahi
- kia kaha mai ki te whakautu i ngā pātai katoa
- me reo Māori ngā whakautu katoa
- kua whakatahahia te rima meneti hei āta pānui māu i te katoa o tēnei whakamātautau.

Ko te reo kia tika, ko te reo kia rere, ko te reo kia Māori!

TE WĀHANGA TUATAHI: PĀNUI – TUHITUHI

NGĀ TOHUTOHU

TŪMAHI TUATAHI: HE PĀNUI:

(Tuna – Ngai Tahu Mahinga Kai)


Pānuihia te tuhinga, kātahi whakautua ngā pātai kua whakaritea.


TŪMAHI TUARUA: HE TUHITUHI:

Tīpakohia tētahi kaupapa hei tuhinga roa māu, ā, kaua e iti iho i te 500 kupu.

TŪMAHI TUATAHI: HE PĀNUI**Ngā tohutohu**

- (a) Pānuihia te tuhinga nei: Tuna – Ngai Tahu, Mahinga Kai
- (e) Whakautua ngā pātai kua whakaritea:

Tuna – Ngai Tahu, Mahinga Kai





(e) E waru ngā patai e whai ake nei hei whakautu māu.

Tēnā whakamāramahia mai te tikanga o ia kōrero mai te tirohanga a te kaituhi. Whakaputaina, whakawhānuitia hoki ōu ake whakaaro.

1. “He Māori koe, heoi, kāore tonu koe i te mōhio ko wai pū koe.”

2. “Taku matau nei ka takiwiwini, taku matau nei ka takiwawana.

Taku matau nei ka hika ka mate ra

Ara mai, ara mai e te hao e ki taku nei kōawawa

Tarawiwini, tarawawana, kia aihe whakatau ka mau

Tarawiwini, tarawawana, e tua peka ki Wairewa e.”

3. “He kutukutu ahi noa pea te mahi, heoi, he tino tikanga tonu tēnā.

4. “Ka takoto koe ki reira, ka titiro ake ki ngā whetū, ahakoa i nāianeī, ahakoa pea he 150 tau ki muri, kāore tonu i rerekē.”

5. “Mēnā kua whai kē koe ki te kapo ake i tētahi tuna i a ia e wehi ana, mōhio tonu koe he tino uaua nē, ka mania, ka makere noa i ō ringa.”

6. “He aha rā tōna ito? Koia te tikanga o te kohikohi rawa mō ō uri. Ko te whāngai i tō whānau, ko te hora kai ki te tēpu, mā mātou tonu, me ā mātou tamariki, haere ake nei.”

Ngā tohutohu

Tīpakohia mai kia KOTAHI te kaupapa hei tuhinga ōkawa māu, ā, tuhia mai ōu ake whakaaro e pā ana ki taua kaupapa. Whāia ko ngā āhuatanga tuhituhi nei:

- te kōtuitui i te kaupapa mā te whakatakoto upoko, i te tinana me te whakakao i ō kōrero
- te ngako, te matū o te kōrero
- te whakamōmona, te whakawhānui me te whakahāngai atu hoki i ōu ake whakaaro
- kia kaha ki te arohaehae, ki te whakapuaki whakaaro
- te whakauru mai i ngā whakataukī, i ngā kīwaha, i ngā rārangi waiata, haka rānei e hāngai ana ki tō kaupapa hei whakanikoniko i tāu tuhinga roa.
- kia auaha te rautaki, kia Māori te wairua
- kia kaua e iti iho i te 500 kupu.

1. Ko te reo Māori te matapihi ki te ao Māori, ēngari ko te ao Māori te orokohanga mai i te taiao Māori.
2. Tēnei reanga kei te kai i ngā kai māro a kui mā, a koro mā. Ēngari tē aro i a rātou te whakatū marae
3. Ahakoa te iti o te kūmara, he nui te kai.

Ko te kaupapa:

Handwriting practice lines consisting of alternating light gray and white horizontal bands.



TE WĀHANGA TUARUA: WHAKARONGO – KŌRERO

E RUA ngā tūmahi mō tēnei wāhanga:

TŪMAHI TUATORU: HE WHAKARONGO

He whakarongo ki tētahi tautohetohe, he tuhi hoki i ngā whakaaro matua, he whakarārangi i ngā kīwaha, ngā whakataukī, ngā whakatauākī rānei.

TŪMAHI TUAWHĀ: HE KŌRERO

- (a) He whakaputa kōrero whakarāpopoto i te tautohetohe.
- (e) He whakaputa kōrero e whakaae ana, e whakahē ana rānei i te kaupapa o te tautohetohe.
- (i) Āta whakarongo hoki ki ngā whakataukī, whakatauākī, ā, ka tīpako ko TĒTAHI e mārama ana ki a koe.
- (o) Āta whakarongo ki ngā kīwaha ka rāngona e koe mai i te tautohetohe nei, ā, tīpako kia RUA e mārama ana ki a koe.

TŪMAHI TUATORU: HE WHAKARONGO

He tautohetohe te āhua o tēnei mahi whakarongo.

Ngā tohutohu

1. Whakarongo ki te tautohetohe
2. I a koe e whakarongo ana, whakarārangihia ngā kaupapa matua a ngā kaikōrero ki roto i te māhere whakaaro kua whakaritea.
3. Āta whakarongo ki ngā kīwaha ka rāngona e koe mai i te tautohetohe nei, ā, tīpako kia RUA e mārama ana ki a koe.
4. Āta whakarongo hoki ki ngā whakataukī, whakatauākī, ā, tīpako ko TĒTAHI e mārama ana ki a koe.
5. E TORU ngā whakapāohotanga o te tautohetohe, ā, kia mutu te whakapāohotanga ka wātea mai te 15 meneti hei whakarite i āu kōrero whakaputa.

Mutu ana i te whakarite kōrero, hoatu tāu pukapuka whakamātautau me ngā pepa whakarite tuhinga ki te kaiwhakamātautau.

Nā reira, kia areare mai o taringa, anei te kōrero.

MAHERE WHAKAARO
(Kāore tēnei mahere whakaaro e mākahia)

Whakaaro matua	
Taha whakaae	Taha whakahē
Ngā kiwaha	Ngā whakataukī/whakatauākī

Mā te kaiwhakahaere koe e hari ki tētahi atu rūma, ki te whakamau i ō kōrero ki te kōpae. Kāre e āhei te hari pepa ki roto i tēnei rūma.

Tukuna tō reo kia rere, tō reo kia tika, tō reo kia Māori.

TŪMAHI TUAWHĀ: HE KŌRERO

Ngā tohutohu

- (a) Ko tāu mahi he whakarite kōrero whakaputa, e whakarāpopoto ana i te tautohetohe.
- (e) Whakapuakina ōu ake whakaaro e whakahē ana/e whakaae ana rānei i te kaupapa o te tautohetohe nei.
- (i) Whakamāramahia mai te tikanga me te horopaki o ngā kīwaha e RUA i puta i te tautohetohe.
- (o) Whakamāramahia mai te tikanga me te horopaki o TĒTAHI whakataukī, whakatauākī i puta mai i te tautohetohe
- (u) Kaua e roa ake i te 5 meneti mō tāu kōrero whakaputa. Ki te kore e oti katoa i roto i te 5 meneti, ka whakamutua te hopu i tō reo i taua wā tonu.

Na reira, kia kaha mai te:

- whakapuaki whakaaro whānui
- whakaraupapa tika i ō whakaaro
- whakaniko mā te kīwaha, whakataukī
- whakatakoto tika, ōtira whakahua tika i ō kupu.

Te whakamau i tāu kōrero whakaputa

- (a) Ka heria koe e te kaiwhakahāere o te whakamātautau ki te rūma whakamau reo.
- (e) Kia 5 meneti te roa mō ngā whakaritenga e pā ana ki te mīhini hopu reo
- (i) Mutu ana tō whakamau i āu kōrero ki te mīhini hopu kōrero, me waitohu e koe te kōpae hei whakaatu nōu te reo.
- (o) Kia maumahara, kei a koe te 15 meneti noa iho ki te whakarite.
- (u) Kua oti ngā mahi katoa.

**He whārangi tāpiri tēnei hei whakaoti i ō whakautu mēnā e hiahiatia ana.
Āta tuhia te tau o te pātai.**

TAU PĀTAI

He whārangi tāpiri tēnei hei whakaoti i ō whakautu mēnā e hiahia ana.
Āta tuhia te tau o te pātai.

TAU PĀTAI